

ცვლილებები ძალაშია 25.09.2018-დან.

ინტერნეტ-გვერდზე www.procreditbank.ge განთავსებულ „საბანკო მომსახურების პირობებში“ შევიდა შემდეგი ცვლილებები:

1. შეიცვალოს საბანკო მომსახურების პირობების 15¹ მუხლი და ჩამოყალიბდეს შემდეგი რედაქციით:

„მუხლი 15¹. ფიზიკური პირის შემნახველი ანაბარი “FlexSave” / “FlexSave +”

1. ბანკსა და კლიენტს შორის ფორმდება „შემნახველი ანაბრის “FlexSave” / „შემნახველი ანაბრის “FlexSave +” ხელშეკრულება“;
2. 25/09/2018-დან შემნახველი ანაბარი “FlexSave” -ის გახსნა ხორციელდება მხოლოდ აშშ დოლარში და ევროში. შემნახველი ანაბარი “FlexSave +” -ის გახსნა ხდება მხოლოდ ლარში.
3. ხელშეკრულება იდება განუსაზღვრელი ვადით.
4. ანაბარი წარმოადგენს მოთხოვნამდე ტიპის ანაბარს და მეანაბრეს შეუძლია მრავალჯერადად გაზარდოს და/ან შეამციროს ანაბარზე არსებული თანხა ხელშეკრულების მოქმედების პერიოდში.
5. ანაბრის გასახსნელად სავალდებულო არ არის პირველადი შენატანის გაკეთება. ანაბარი შესაძლებელია გაიხსნას ნულოვანი ნაშთით. ანაბარზე პირველადი შენატანის შესრულება შესაძლებელია ნებისმიერ დროს. შესაბამისად ანაბარზე პროცენტის დარიცხვა დაიწყება თანხის განთავსების მომდევნო დღიდან.
6. ანაბარზე ნებადართული ოპერაციების შესრულების რაოდენობა და პერიოდულობა შეუზღუდავია.
7. ანაბარზე შესაძლებელია მხოლოდ თანხის გადარიცხვა/ჩარიცხვა ამავე მეანაბრის პროკრედიტ ბანკში გახსნილ მიმდინარე ანგარიშზე/ანგარიშიდან.
8. ანაბრის ხელშეკრულების შეწყვეტა და ანაბრის დახურვა შესაძლებელია მხოლოდ იმ შემთხვევაში, როცა მეანაბრე ხურავს მიმდინარე ანგარიშს ანაბრის შესაბამის ვალუტაში.
9. ანაბრის ხელშეკრულების შეწყვეტის შემთხვევაში ანაბარს, საპროცენტო სარგებლის ბოლო გადახდის თარიღიდან ანაბრის დარღვევის თარიღამდე პერიოდზე, დაერიცხება ანაბრის ხელშეკრულების შეწყვეტის მომენტისათვის ამ ანაბარზე მოქმედი საპროცენტო განაკვეთი.
10. ანაბრის ხელშეკრულების შეწყვეტის შემთხვევაში ანაბრის ანგარიშზე არსებული მთლიანი თანხა ჩარიცხება მეანაბრის მიმდინარე ანგარიშზე.
11. ანაბარზე, მისი მოქმედების მთელი პერიოდის განმავლობაში, ვრცელდება ბანკის მიერ განუული/გასაწევი საბანკო მომსახურების საკომისიოები და ყოველი ოპერაციის განხორციელებისას ბანკის მიერ იმ დროისათვის დადგენილი ტარიფები“.

2. შევიდეს ცვლილება საბანკო მომსახურების პირობების 29² მუხლის 3.2 პუნქტში და ჩამოყალიბდეს შემდეგნაირად:

„3.2. შემნახველი ანაბარი Flex Save/ Flex Save+ (მიმდინარე ანგარიშის შესაბამის ვალუტაში)“.

3. შევიდეს ცვლილება საბანკო მომსახურების პირობების 29³ მუხლის 3.2 პუნქტში და ჩამოყალიბდეს შემდეგნაირად:

„3.2. შემნახველი ანბარი *Flex Save/ Flex Save+* (მიმდინარე ანგარიშის შესაბამის ვალუტაში)“.